



Broj: 01-01-³4-0776/25
Sarajevo, 10.06.2025.godine

Na osnovu člana 70. stav (1), (3) i (6), člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), i Pravilnikom o javnim nabavkama roba, usluga i radova Javne ustanove „Služba za zapošljavanje Kantona Sarajevo“ Sarajevo broj: 09/1-1382-1-UO/22 od 05.08.2022. godine i broj: 09/1-2461-UO/23 od 20.09.2023. godine, a na osnovu Preporuke Komisije, broj: 01/01-34-0776/25 JN od 09.06.2025.godine u postupku javne nabavke – Računarske opreme LOT 3 – Nabavka SSD diskova i bracket adaptera za servere za potrebe Javne ustanove „Služba za zapošljavanje Kantona Sarajevo“ Sarajevo, direktorica *donosi*

O D L U K U

o izboru najpovoljnijeg ponuđača LOT 3 – Nabavka SSD diskova i bracket adaptera za servere

Član 1.

Prihvata se Preporuka Komisije za javnu nabavku broj: 01/01-34-0776/25 JN od 09.06.2025.godine te se ugovor za javnu nabavku – Računarske opreme LOT 3 – Nabavka SSD diskova i bracket adaptera za servere za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču „ELUR“ d.o.o. Kiseljak, Ponuda broj: 103-3/2025 od 30.05.2025. godine, za ponudenu cijenu u iznosu od 9.990,00 KM bez PDV-a.

Član 2.

Po konačnosti ove Odluke, prijedlog ugovora kojim će se regulisati međusobna prava i obaveze, dostavit će se na potpis izabranom ponuđaču „ELUR“ d.o.o. Kiseljak, uz obavezu da dostavi dokaze o ispunjavanju uslova za kvalifikaciju i to na način, u formi i u roku kako je iskazano sadržajem Tenderske dokumentacije, ukoliko iste nije dostavio uz ponudu.

Član 3.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđaču koji je učestvovao u postupku predmetne nabavke, shodno članu 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke - Računarske opreme LOT 1 – računari, LOT 2 – Laptopi, LOT 3 – SSD diskovi i bracket adapteri za servere za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-0518/25 od 18.04.2025. godine, pokrenut je predmetni postupak javne nabavke.

Predmetna nabavka provedena je putem Otvorenog postupka.

Procijenjena vrijednost predmetne nabavke bez uračunatog PDV-a, iznosi 70.000,00 KM za sva tri LOT-a s tim da za LOT 3 ista iznosi 10.000,00 KM bez Pdv-a.

Slijedom navedene Odluke, dana 12.05.2025.godine, Obavještenje o nabavci broj: 774-1-1-43-3-22/25, poslano je na objavu putem Portala javnih nabavki, zajedno sa Tenderskom dokumentacijom broj: 0635/25 od 09.05.2025. godine.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-0625/25 od 07.05.2025. godine, pristupila je pregledu i analizi pristiglih ponuda, te nakon što je utvrđena blagovremenost i urednost dostave, konstatovala da je u predmetnom postupku za LOT 1 zaprimljena 1 (jedna) ponuda, i to:

1. „ELUR“ d.o.o. Kiseljak, zaprimljena pod protokolarnim brojem 09/3-12/25 JN dana 02.06.2025. godine.

Istom prilikom navodeći da neblagovremeno pristiglih ponuda nije bilo, o čemu je sačinila odgovarajuće Zapisnike.

U nastavku evaluacije ponuda ponuđača Komisija je zaključila da je pristigla ponuda uzimajući u obzir sve kvalifikacione uslove predviđene sadržajem Tenderske dokumentacije, potpuna, te su iste kao takva ocijenjena prihvatljivom te da se može postupak nastaviti shodno članu 69. Zakona o javnim nabavkama tj. da se dodjeli ugovor ponuđaču „ELUR“ d.o.o. Kiseljak.

S tim u vezi Komisija dana 29.05.2025. godine sačinjava Preporuku broj: 01/01-34-0776/25 JN od 09.06.2025. godine.

U postupku donošenja ove Odluke, cijeneći da je Komisija pravilno i potpuno izvršila ocjenu prispjele ponude, te ocjenu kvalifikovanosti ponuđača, s obzirom na iskazane zahtjeve i uslove utvrđene okvirom sadržaja Tenderske dokumentacije, a u skladu sa dosljednom primjenom Zakona o javnim nabavkama, pripadajućim podzakonskim i internim aktima, a postupajući po Preporuci Komisije broj: 01/01-34-0776/25 JN od 09.06.2025. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, a u skladu sa članom 99. i 101. Zakona o javnim nabavkama.

Direktorica

Amina Džonlagić

Dostaviti:

- Ponuđačima – učesnicima u postupku JN,
- Jedinici za nabavke,
- Odjeljenje za informatičke poslove (na objavu za web)
- Evidencij
- A/a.